

2                   ◎【講經前的共修】：《普賢行願品》偈頌

The Common Practices before Lecture: (Verses from *the Sutra of “The Practices and Vows of the Bodhisattva Samantabhadra”*)

6                   ○ 南無華嚴會上佛菩薩（三稱）

- V1. 所有十方世界中，三世一切人師子；我以清淨身語意，一切遍禮盡無餘。
- 8           V2. 普賢行願威神力，普現一切如來前；一身復現刹塵身，一一遍禮刹塵佛。
- V3. 於一塵中塵數佛，各處菩薩眾會中；無盡法界塵亦然，深信諸佛皆充滿。
- 10          V4. 各以一切音聲海，普出無盡妙言辭；盡於未來一切劫，讚佛甚深功德海。
- V5. 以諸最勝妙華鬘，伎樂塗香及傘蓋；如是最勝莊嚴具，我以供養諸如來。
- 12          V6. 最勝衣服最勝香，末香燒香與燈燭；一一皆如妙高聚，我悉供養諸如來。
- V7. 我以廣大勝解心，深信一切三世佛；悉以普賢行願力，普遍供養諸如來。
- 14          V8. 我昔所造諸惡業，皆由無始貪恚癡；從身語意之所生，一切我今皆懺悔。
- V9. 十方一切諸眾生，二乘有學及無學；一切如來與菩薩，所有功德皆隨喜。
- 16          V10. 十方所有世間燈，最初成就菩提者；我今一切皆勸請，轉於無上妙法輪。
- V11. 諸佛若欲示涅槃，我悉至誠而勸請；唯願久住刹塵劫，利樂一切諸眾生。
- 18          V12. 所有禮讚供養福，請佛住世轉法輪；隨喜懺悔諸善根，迴向眾生及佛道。
- V13. 願將以此勝功德，迴向無上真法界；性相佛法及僧伽，二諦融通三昧印。
- 20          V14. 如是無量功德海，我今皆悉盡迴向；所有眾生身口意，見惑彈謗我法等。
- V15. 如是一切諸業障，悉皆消滅盡無餘；念念智周於法界，廣度眾生皆不退。
- 22          V16. 乃至虛空世界盡，眾生及業煩惱盡；如是四法廣無邊，願今迴向亦如是。

○ 南無大行普賢菩薩（三稱）

- 24           ○ 往生咒（三遍）：南無阿彌多婆夜、 哆他伽多夜、 哆地夜他、  
                  阿彌利都婆毗、阿彌利多、悉耽婆毗、阿彌唎哆、毗迦蘭帝、  
26           阿彌唎哆、毗迦蘭多、伽彌膩、伽伽那、枳多迦利、娑婆訶。

◎桑耶精舍、四種條件（SBA、Four Conditions）：願心、責任、義務與功德  
(Great vows, Responsibility, Dharma duty & Buddhist benefits)

2                   ◎ **【講經後的發願與迴向】：普皆迴向**

**Taking Great Vows and Dedication after Lecture:**

4   *(Universal Dedication)*

6   **I. 《菩提道次》祈願文 宗喀巴大師著**

*(Prayer for the Stages of Enlightenment, written by Ven. Tsong-Kapa)*

8           以我久勤所積集，量等虛空二資糧；為度無明有情眾，願成導師佛世尊。  
          未成佛前一切生，文殊慈憫垂攝持；具足教以最勝道，得已行令諸佛喜。  
10          以我解悟道法要，大悲為導善方便；淨除眾生意冥愚，持佛教法於久遠。  
          教法勝寶未遍揚，或已遍揚而衰墮；願於彼處興大悲，顯弘利樂之寶藏。  
12          願佛菩薩妙事業，最勝菩提道次第；饒益諸願解脫者，世尊教行永流傳。  
          成就修行善道緣，淨除人非人違緣；佛所讚歎淨行道，生生世世永不離。  
14          以十法行於勝乘，如理精勤修行際；護法聖眾常護持，如海吉祥普十方。

16   **II. 《月藏經》吉祥發願文：**

*(The Precious and Lucky Prayer by Buddha Sakyamuni himself,*

18   **quoted from the Moon-Treasure Sutra)**

          V1 我昔行苦行，為諸眾生故；捨已自身樂，令法久熾然。  
20          V2 我昔捨身命，為諸病人故；亦為貧眾生，令法久熾然。  
          V3 我昔為菩提，捨財及妻子；寶象馬車乘，令法久熾然。  
22          V4 我昔供諸佛，緣覺及聲聞；父母諸師長，令法久熾然。  
          V5 為聞菩提故，無量阿僧祇；備受種種苦，令法久熾然。  
24          V6 我修戒律儀，長夜常勤行；十方佛為證，令法久熾然。  
          V7 我昔常忍辱，忍諸惡眾生；為眾除煩惱，令法久熾然。  
26          V8 我昔勤精進，堅固常伏他；度脫諸眾生，令法久熾然。

                  ◎桑耶精舍、四種條件 (SBA、Four Conditions)：願心、責任、義務與功德

*(Great vows, Responsibility, Dharma duty & Buddhist benefits)*

- 2 V9 我修禪解脫，無色三摩提；恆沙不可數，令法久熾然。  
V10 我昔爲般若，住在於閑林；演說無量論，令法久熾然。  
4 V11 我昔常憐愍，捨己身血肉；及捨身支節，爲增正法眼。  
V12 我愍惡眾生，以慈而成熟；安置於三乘，增長正法施。  
6 V13 我昔智方便，度脫諸惡見；安置於正慧，法雨令不絕。  
V14 我昔以四攝，救度諸眾生；滅惡煩惱火，令四眾久住。  
8 V15 我昔除外道，諸惡邪見網；安置於正路，四眾得供養。

10 伍、附錄二：【Appendix .II.：噶瑪巴的新年祈願詩：2005 年】

(The Prayer Song of 2005 Year written by H.H. 17<sup>th</sup> Karmapa)

12 ◎音樂來源 (music resource): 大寶法王官方網站 <http://www.kagyuoffice.org.tw>

曲名：噶瑪巴的新年祈願詩—2005 年

14 作詞：第十七世大寶法王、噶瑪巴

中譯：陳履安、作曲：許俊華、演唱：李佳寧 / 柯佩磊

16 ◎珍貴的「佛陀」如燄陽，  
發射明亮「法」的愉悅光芒，  
18 使「僧伽」蓮花園中百花齊放，  
這聚合是至高無上。

20 祈願三界、在吉祥的讚美中，顯現它所有的優點；

祈願今年、世界和平且繁榮，

22 祈願你、長壽和健康，

祈願你、心想事成、萬事吉祥。

24

◎桑耶精舍、四種條件 (SBA、Four Conditions)：願心、責任、義務與功德

(Great vows, Responsibility, Dharma duty & Buddhist benefits)

2

伍、附錄三：【Appendix .III.：覺悟世間虛妄歌】

4

(The Enlightened Song of Awareness about the Impermanence  
of World by Milarepa)

6

○Resource：Chinese Version: 張澄基譯（2006）《密勒日巴傳記》pp.168-170,  
初版 in 1980,台北：慧炬出版社

8

V01.聖不動自性大悲尊，一如上師所預示；於此惡魔故鄉里，示現無常幻化師。

10

V02.願依如實此教師，令我頓生大決心；世間所現一切法，無常無依恆變易。

V03.輪迴諸業無義利，與其勤求世間利，寧修佛陀解脫法。

12

V04.父在之時子不在，子在此時父已逝；二人縱聚亦無實，孺子我往修正法；  
修禪護馬白崖窟。

14

V05.母在之時子不在，遊子歸時母已逝；二人縱聚無實義，孺子我往修正法；  
修禪護馬白崖窟。

16

V06.妹在之時兄不在，兄歸家時妹飄零；二人縱聚無實義，兄修有義之佛法；  
修禪護馬白崖窟。

18

V07.有家之時主不在，主歸家時家已敗；二者縱聚無實義，主修有義之佛法；  
修禪護馬白崖窟。

20

V08.聖經有時無供者，供者歸時經已壞；二者縱聚無實義，行者我往修正法；  
修禪護馬白崖窟。

22

V09.耕田在時主不在，主人歸時田已蕪；二者縱聚亦無實，主人我往修正法；  
修禪護馬白崖窟。

24

V10.故鄉故家與故園，皆是輪迴無實法；播弄愛著無實義，行者我往求解脫。

V11.修禪護馬白崖窟，承恩法父馬爾巴師，加持令我得山居。

26

◎桑耶精舍、四種條件（SBA、Four Conditions）：願心、責任、義務與功德

(Great vows, Responsibility, Dharma duty & Buddhist benefits)

2 伍、附錄四【Appendix .IV.：西藏、阿提峽所寫的〈點燈祈願文〉】

(The Prayer Song of Light Offerings originally written by Atisa in Tibetan,

4 now composed by H.H. 17<sup>TH</sup> Karmapa )

◎Resource: 【點燈祈願文】、作曲：第十七世大寶法王

6 中譯：大寶法王、釋妙融、羅卓丹傑

編曲：林隆璇、演唱：羅卓若傑

8

◎【發願文】：願燈具、成為等同三千大千世界；願燈炷、僅成須彌山

10 王；願燈油、僅成汪洋；此燈之數，億蓋得現於每尊佛前。

願此光明，消除三有頂以下，無間地獄以上，所有無明之黑暗。

12 願十方諸佛菩薩之淨土，皆得顯明親見。

喻、班雜、阿羅給、啊吽。(Om Bendzen Aroge A Hum)

14 ◎【唱頌文】：V01. 稀有光明此燈燭，供獻賢劫千佛等；

無餘廣大十方境，師尊空行護法眾。

16 V02. 壇城聖眾盡奉獻，父母為首有情眾；

此生以及各所生，皆能親見佛淨土。

18 V03. 願與彌陀合為一，三寶三根眾諦力；

吾等如此所發願，祈請加被速得成。

20 V04. 德雅他：班雜支雅、阿哇波達、那耶梭哈。

(Deyata: Bendzen Jiya A Wabodha Naye Soha)

22

◎桑耶精舍、四種條件 (SBA、Four Conditions)：願心、責任、義務與功德

(Great vows, Responsibility, Dharma duty & Buddhist benefits)

2                                   ◎ 《菩提資糧論、卷第三》：

聖者龍樹本、比丘自在釋；大隋、南印度三藏、達磨笈多譯；

4                                   民國、釋心宏所判的科判

                                  【第三卷、科判總表】：(15/06/2008)

6                                   ◎ 【甲四、四無量心：第三資糧】（分二）

○ 【乙一、總說：一切資糧、皆入四處】

8                                   V95. 復有餘師意，諸覺資糧者；實捨及寂智，四處之所攝。

○ 【乙二、別顯】（分三）

10                               【丙一、慈與悲的無量心】

V96. 大悲徹骨髓，為諸眾生依；如父於一子，慈則遍一切。

12                               【丙二、喜無量心】（分四）

                                  【丁一、以法喜、攝受無量眾生】（分二）

14                               【戊一、以念佛與神變功德、廣度眾生】

V97. 若念佛功德，及聞佛神變；愛喜而受淨，此名為大喜。

16                               【戊二、不捨一切眾生、盡心攝受】：（饒益眾生戒）

V98. 菩薩於眾生，不應得捨棄；當隨力所堪，一切時攝受。

18                               【丁二、安置眾生、心向大乘】

V99. 菩薩從初時，應隨堪能力；方便化眾生，令入於大乘。

20                               V100. 化恒沙眾生，令得羅漢果；化一入大乘，此福德為上。

                                  【丁三、以二乘法、善巧攝化】

◎ 桑耶精舍、四種條件 (SBA、Four Conditions)：願心、責任、義務與功德

(Great vows, Responsibility, Dharma duty & Buddhist benefits)

2 V101. 教以聲聞乘，及獨覺乘者；以彼少力故，不堪大乘化。

V102. 聲聞獨覺乘，及以大乘中；不堪受化者，應置於福處。

4 【丁四、以人天乘、滿其所願】

V103. 若人不堪受，天及解脫化；便以現世利，如力應當攝。

6 【丙三、捨無量心】（分二）

【丁一、出世間捨】

8 V104. 菩薩於眾生，無緣能教化；當起大慈悲，不應便棄捨。

V105. 施攝及說法，復聽聞說法；亦行利他事，此為攝方便。

10 V106. 所作益眾生，不倦不放逸；起願為菩提，利世即自利。

V107. 入甚深法界，滅離於分別；悉無有功用，諸處自然捨。

12 【丁二、世間捨】

V108. 利名讚樂等，四處皆不著；反上亦無礙，此等名為捨。

14 ◎【甲五、精進不退：第四資糧】（分四）

○【乙一、正因：至心精進】

16 V109. 菩薩為菩提，乃至未不退；譬如燃頭衣，應作是勤行。

V110. 然彼諸菩薩，為求菩提時；精進不應息，以荷重擔故。

18 ○【乙二、惡緣：生死放逸】（分二）

【丙一、菩薩猶有細微生死】

20 V111. 未生大悲忍，雖得不退轉；菩薩猶有死，以起放逸故。

V112. 聲聞獨覺地，若入便為死；以斷於菩薩，諸所解知根。

22 【丙二、菩薩恐墮入二乘果】

◎桑耶精舍、四種條件 (SBA、Four Conditions)：願心、責任、義務與功德

(Great vows, Responsibility, Dharma duty & Buddhist benefits)

2 V113. 假使墮泥犁，菩薩不生怖；聲聞獨覺地，便為大恐怖。

V114. 非墮泥犁中，畢竟障菩提；聲聞獨覺地，則為畢竟障。

4 V115. 如說愛壽人，怖畏於斬首；聲聞獨覺地，應作如是怖。

○ 【乙三、善果：得不退轉】(分三)

6 【丙一、無生忍斷分別】

V116. 不生亦不滅，非不生不滅；非俱不俱說，空不空亦爾。

8 V117 隨何所有法，於中觀不動；彼是無生忍，斷諸分別故。

【丙二、授記必當作佛】

10 V118. 既獲此忍已，即時得授記；汝必當作佛，便得不退轉。

【丙三、不退智勝二乘】

12 V119. 已住不動諸菩薩，得於法爾不退智；彼智二乘不能轉，是故獨得不退名。

○ 【乙四、引經論作證明】

14 V120. 我等皆隨喜，大仙密意語；如授記聖者，無畏舍利弗。

V121. 我等亦當得，成佛世無上；復以密意語，說無上正覺。

16 ◎【甲六、悲智結合的三摩地：第五資糧】(分三)

○ 【乙一、三摩地為根本】

18 V122. 菩薩乃至得，諸佛現前住；牢固三摩提，不應起放逸。

○ 【乙二、悲智雙融的能效】

20 V123. 諸佛現前住，牢固三摩提；此為菩薩父，大悲忍為母。

V124. 智度以為母，方便為父者；以生及持故，說菩薩父母。

◎桑耶精舍、四種條件 (SBA、Four Conditions)：願心、責任、義務與功德

(Great vows, Responsibility, Dharma duty & Buddhist benefits)



2 ○ 【乙三、小結】

V125. 少少積聚福，不能得菩提；百須彌量福，聚勝乃能得。

4 < 菩提資糧論、卷第三完 >

6 ◎ 《菩提資糧論、卷第三》：

聖者龍樹本、比丘自在釋；大隋、南印度三藏、達磨笈多譯

8 < 附註與說明： >

1.) 凡是偈誦的編號(ex:V1.)，乃筆者加上，以便於講經時、講解用，原版並無。

10 2.) 凡是《菩提資糧論》論文的本文，則以□標示之；有問答處，也加上編號(ex:1, 2,3....)，以示區別。

12 3.) 筆者所加上的科判，則以【】標示之；若是筆者，為講經時用，所加的補充資料，則以○標示之。

14

◎ 【甲四、四無量心：第三資糧】（分二）

16 ○ 【乙一、總說：一切資糧、皆入四處】

V95. 復有餘師意，諸覺資糧者；實捨及寂智，四處之所攝。

18 □又一論師作是念：一切菩提資糧。皆實處、捨處、寂處、智處所攝。

實者、不虛誑相。實、即是戒。是故實為、尸羅波羅蜜。

20 捨、即布施。是故捨處、為陀那波羅蜜。

寂者、即心不濁。若心不濁。愛、不愛事。所不能動。是故寂處、為羸提波羅蜜。

22 及禪那波羅蜜。

智處、還為般若波羅蜜、毘梨耶波羅蜜。遍入諸處。以無精進。則於諸處。無所成

24 就。是故毘梨耶波羅蜜。成就諸事。是故一切資糧。皆入四處。

○ 【乙二、別顯】（分三）

◎ 桑耶精舍、四種條件 (SBA、Four Conditions)：願心、責任、義務與功德

(Great vows, Responsibility, Dharma duty & Buddhist benefits)

2       **【丙一、慈與悲的無量心】**

□問10：如經說：以慈資糧。得無礙心。以捨資糧。得斷憎愛。於中慈悲。有何差別？

答10：       **V96. 大悲徹骨髓，為諸眾生依；如父於一子，慈則遍一切。**

6       □若入生死嶮道。墮地獄、畜生；餓鬼諸趣。在惡邪見網。覆愚癡稠林。行邪徑、非道。猶如盲闇。非出離中。見為出離。為老病死。憂悲苦惱。諸賊執持。入魔意

8       稠林。去佛意遠者。  
□菩薩大悲。穿於自身、皮肉及筋。徹至骨髓。為諸眾生。而作依處。令此眾生。得度如是、生死曠野。險難惡路。置於一切智城。無畏之宮。

10       □譬如長者。唯一福子。而遭病苦。愛徹皮肉。入於骨髓。但念何時。得其病愈。悲亦如是。唯於苦眾生中起。慈者、遍於一切眾生中起。

12       □又復、慈故、於諸眾生得無礙心。悲故、於生死中。無有疲厭。又慈、於善人中生。悲、於不善人中生。又、菩薩慈增長故。不著己樂。則生大慈。悲增長故。捨諸支節及命。則生大悲。

16       **【丙二、喜無量心】（分四）**

**【丁一、以法喜、攝受無量眾生】（分二）**

18       **【戊一、以念佛與神變功德、廣度眾生】**

**V97. 若念佛功德，及聞佛神變；愛喜而受淨，此名為大喜。**

20       □若念佛功德者。於中、何者是佛功德？謂諸佛世尊、無量百千、俱致劫中。聚集善根故。不護〔note:自己的〕身口意業故。五種應知。中斷疑故。四種答難。中無失故。三十七助菩提法、教授故。十二分緣生中。因緣覺故。教九教故。四種住持、具足故。得四無量故。滿足六波羅蜜故。說菩薩十地故。出世五眾、成滿故。四無

22       畏、十力、十八不共佛法、具足故。  
□無邊境界故。自心自在轉故。無厭足法故。得如金剛、三摩地故。不虛說法故。無能壞法故。世間導師故。無能見頂故。無與等故。無能勝故。不可思法故。得大

          ◎桑耶精舍、四種條件 (SBA、Four Conditions)：願心、責任、義務與功德

*(Great vows, Responsibility, Dharma duty & Buddhist benefits)*

- 2 慈、大悲、大喜、大捨故。百福相故。無量善根故。無邊功德故。無量功德故。無數功德故。不可分別功德故。希有功德故。不共功德故。如是等名：念佛諸功德。
- 4 化諸眾生故。起神通變現。隨所應度眾生。隨眾生身。隨其形量、長短、寬狹。隨其色類。種種差殊。隨其音聲。清淨分別。諸佛世尊。以種種希有神通。如其所
- 6 行。如其信欲。以彼彼方便。差別神變。而教化之。聞此事已。愛喜受淨。名為大喜。
- 8 於中、心勇名：愛。愛心遍身名：喜。喜心、覺樂名：受。於受樂時。念正覺者。大神通德。其心不濁名：淨。彼心淨時。喜意充滿。名為大喜。彼登少分乘者。雖
- 10 亦有喜。以不共故。得大喜名。

**【戊二、不捨一切眾生、盡心攝受】：（饒益眾生戒）**

- 12 問11：菩薩應捨眾生。為不應捨？
- 答11：**V98. 菩薩於眾生，不應得捨棄；當隨力所堪，一切時攝受。**
- 14 菩薩摩訶薩、常念利樂諸眾生等。若為貪瞋癡所惱。登於慳吝。破戒恚恨。懈怠亂心。惡智之道。入於異路。此等眾生。所不應捨。於一切時。說施、戒、修。隨
- 16 力所能。應當攝受。不應捨棄。

**【丁二、安置眾生、心向大乘】**

- 18 **V99. 菩薩從初時，應隨堪能力；方便化眾生，令入於大乘。**
- 此登大乘菩薩。於眾生中。隨所堪能。從初應作。如前方便波羅蜜中。所說方便。
- 20 應當精勤。以諸方便。教化眾生。置此大乘。
- 問12：何故菩薩、但以大乘教化眾生。不以聲聞、獨覺乘也？
- 22 答12：**V100. 化恒沙眾生，令得羅漢果；化一入大乘，此福德為上。**
- 若教化恒河沙等眾生。得阿羅漢果。此大乘福。勝過彼聲聞等乘、教化福。以種子無盡故。此所有種子。能為餘眾生等。作菩提心方便。亦以出生聲聞、獨覺故。此福勝彼。
- 24 子無盡故。此所有種子。能為餘眾生等。作菩提心方便。亦以出生聲聞、獨覺故。此福勝彼。
- 26 此福勝者。大乘於聲聞、獨覺乘為上故。又菩提心。有無量無數、福德故。又由

◎桑耶精舍、四種條件 (SBA、Four Conditions)：願心、責任、義務與功德

(Great vows, Responsibility, Dharma duty & Buddhist benefits)

2 大乘。三寶種、不斷故。是故欲求大福。應以大乘、教化眾生。不以餘乘。

**【丁三、以二乘法、善巧攝化】**

4 問13：諸摩訶薩、豈唯以大乘教化眾生。不以聲聞獨覺乘耶？

答13： **V101. 教以聲聞乘，及獨覺乘者；以彼少力故，不堪大乘化。**

6 若中、下意眾生。捨利他事。闕於大悲。不堪以大乘化者。乃以聲聞、獨覺乘。而化度之。

8 問14：若有眾生。不可以三乘化者。於彼應捨。爲不捨也？

答14： **V102. 聲聞獨覺乘，及以大乘中；不堪受化者，應置於福處。**

10 若有眾生。喜樂生死。憎惡解脫。不堪以聲聞、獨覺。及大乘化者。應當教化。置於梵乘。四梵行中。若復不堪、梵乘化者。應當教化。置於天乘。十善業道。及  
12 施等、福事中。不應捨棄。

**【丁四、以人天乘、滿其所願】**

14 問15：若有眾生。喜樂世樂。於三福事。無力能行。於彼人所。當何所作？

答15： **V103. 若人不堪受，天及解脫化；便以現世利，如力應當攝。**

16 若有眾生。專求欲樂。不觀他世。趣向地獄、餓鬼、畜生。不可教化。令生天、  
解脫者。亦當愍彼。智如小兒。如其所應。現世攝受。隨己力能。以施等攝之。愍  
18 而不捨。

**【丙三、捨無量心】（分二）**

20 **【丁一、出世間捨】**

問16：若菩薩、於此似小兒相。諸眾生所。無有方便。可得攝化。當於彼人。應  
22 何所作？

答16： **V104. 菩薩於眾生，無緣能教化；當起大慈悲，不應便棄捨。**

24 若菩薩、於喜樂、罪惡、可愍眾生中。無有方便。能行攝化。菩薩於彼。當起子  
想。興大慈悲。無有道理。而得捨棄。

◎桑耶精舍、四種條件 (SBA、Four Conditions)：願心、責任、義務與功德

(Great vows, Responsibility, Dharma duty & Buddhist benefits)

2 問17：已說於眾生中。應須攝受。未知攝受、方便云何？

答17： **V105. 施攝及說法，復聽聞說法；亦行利他事，此為攝方便。**

4 諸菩薩、為攝受眾生故。或以布施、為攝方便。或受他所施。或為他說法。或聽他說法。或行利他。或以愛語。或以同事。或說諸明處。或教以工巧。或示現作業。6 或令病者、得愈。或救拔險難。如是等、名為：**攝受眾生方便**。當以此諸方便。攝受眾生。不應棄捨。

8 問18：以如是等。攝受方便。攝眾生已。成就何利？

答18： **V106. 所作益眾生，不倦不放逸；起願為菩提，利世即自利。**

10 此中、菩薩作願。利益世間者。發如是意。凡利世間事。我皆應作。立此誓已。於諸眾生。所作事中。不應疲倦。不應放逸。又當作念：若利世間。即是自利。是12 故菩薩。於利樂眾生因緣。不應棄捨。

問19：已說菩薩、常應利樂眾生。不應行捨。於諸法中。為捨不捨？

14 答19： **V107. 入甚深法界，滅離於分別；悉無有功用，諸處自然捨。**

法界者。即是緣生。是故先說。如來、若出、不出。此法界、法性、常住。所謂16 緣生。又如先說。阿難陀。緣生甚深。證亦甚深。是故入此、甚深法界菩薩。滅一切有、無等二邊。攝取方便智已。即斷諸動念。戲論分別。離諸取相。諸心意識行18 處。皆不復行。

乃至行佛行、菩提行、菩薩行、涅槃處、皆亦不行。則於諸法。無復功用。於諸20 法中。得寂靜。復寂靜心。無分別心。是名：**第一義捨**。此即菩薩、無分別也。已說、出世間捨。我今當說、世間捨。

## 22 **【丁二、世間捨】**

**V108. 利名讚樂等，四處皆不著；反上亦無礙，此等名為捨。**

24 於利養、名聞、讚歎、安樂等中。無所繫著。與此相反。無利、無名、毀苦、等中。亦不退礙。捨離愛憎處中。而住無復分別。此名：第二說、世間捨。

26

2 ◎【甲五、精進不退：第四資糧】（分四）

○【乙一、正因：至心精進】

4 □問20：若菩薩、於諸法中。作第一義捨者。爲菩提故。如然頭衣。如是勤行。云何可得？

6 答20： V109. 菩薩為菩提，乃至未不退；譬如燃頭衣，應作是勤行。

□雖於諸法。應如是捨。而菩薩決定修行。如然頭衣。乃至未得、不退轉、菩提菩薩。爲菩提故。應當勤行。於中、菩薩有五種、不退菩提因緣應知。何者爲五？如《華聚》等經中說：(1.)若聞具足大願諸菩薩、及佛、世尊名號故。(2.)若願生彼佛、世尊國土故。是爲二種因緣。(3.)受持、及說般若波羅蜜等、深經故。是爲第三因緣。(4.)修習現前、住等三摩提。及隨喜得者故。是爲第四因緣。此四因緣說、未得忍、菩薩不退轉。(5.)若此菩薩。住菩薩不動地已。得無生忍。說爲：**究竟決定不退轉**。(note:編號是筆者所加。)

14 □問21：若此四種因緣中。隨以一因緣。菩薩得不退轉者。先說、如然頭衣。應當勤行。彼云何成？

16 答21： V110. 然彼諸菩薩，為求菩提時；精進不應息，以荷重擔故。

□雖復、四因緣中。隨一因緣。菩薩皆得不退。而精進、不應休息。由先作是言：「我當令諸眾生。皆得涅槃。以荷如是重擔故。於其中間。精進不息。」

○【乙二、惡緣：生死放逸】(分二)

20 【丙一、菩薩猶有細微生死】

□問22：何故、於其中間精進。不得休息？

22 答22： V111. 未生大悲忍，雖得不退轉；菩薩猶有死，以起放逸故。

□於四因緣中。隨何因緣。得不退轉菩薩？彼未生大悲、乃至未得無生忍。中間、受業力、死生者。由入放逸故。是以菩薩。應當勤行。如然頭衣。爲得無生忍故。於其中間。精進不息。

26 □問23：菩薩復有何死？

◎桑耶精舍、四種條件 (SBA、Four Conditions)：願心、責任、義務與功德

(Great vows, Responsibility, Dharma duty & Buddhist benefits)

2 答23： **V112. 聲聞獨覺地，若入便為死；以斷於菩薩，諸所解知根。**

如前所說。四種因緣。隨何因緣。得不退轉？此菩薩、未有大悲、未得忍。未過

4 聲聞、獨覺地。(1.)或以惡友力。怖生死苦故。(2.)或受生中間故。(3.)或劫壞時間。

瞋嫌菩薩。毀謗正法故。失菩提心。起聲聞、獨覺地心已。(4.)或於聲聞解脫。若獨

6 覺解脫、作證。彼斷菩薩根。所謂大悲。是以諸菩薩、及佛世尊。名為：說解知死。

(note:編號是筆者所加。)

8 **【丙二、菩薩恐墮入二乘果】**

問24：此應思量：菩薩、為畏住泥犁。為畏墮聲聞、獨覺地？

10 答24： **V113. 假使墮泥犁，菩薩不生怖；聲聞獨覺地，便為大恐怖。**

菩薩、設住泥犁。與無數百千苦俱。不比墮聲聞、獨覺地怖畏。

12 問25：何故如此？

答25： **V114. 非墮泥犁中，畢竟障菩提；聲聞獨覺地，則為畢竟障。**

14 設入泥犁。於正覺道。不能作、畢竟障礙。住泥犁時。乃至惡業盡邊。於菩提道。暫為障礙。

16 菩薩、若墮聲聞、獨覺地。則畢竟不生故。聲聞、獨覺地。於正覺道。乃為障礙。由是義故。菩薩入於泥犁。不比墮聲聞、獨覺地怖畏。

18 問26：其怖如何？

答26： **V115. 如說愛壽人，怖畏於斬首；聲聞獨覺地，應作如是怖。**

20 經中、佛世尊作如是說：如愛壽人。怖畏斬首。菩薩欲求無上菩提。怖畏聲聞、獨覺地。亦應如此。是故菩薩。雖入泥犁。不比墮聲聞、獨覺地怖畏。

22 ○ **【乙三、善果：得不退轉】(分三)**

**【丙一、無生忍斷分別】**

24 問27：已說、未得無生忍、諸菩薩障礙法。此菩薩、云何得無生忍？

答27： **V116. 不生亦不滅，非不生不滅；非俱不俱說，空不空亦爾。**

26 此中、菩薩觀緣生時。作是念：有緣生法、但施設。如無生中、有生。是故生者。

◎桑耶精舍、四種條件 (SBA、Four Conditions)：願心、責任、義務與功德

(Great vows, Responsibility, Dharma duty & Buddhist benefits)

- 2 自體不成。自體不成故。生則非有。如生自體、非有。彼滅爲二。二俱無體、如生  
滅。彼不生、不滅爲二。亦二俱無體。彼生、滅二種中。生、不生。滅、不滅。亦  
4 不有、互相違故。空亦如是。如有者、無自體故。彼不空、及空。不空亦爾。

□問28：若作是念。以緣生故。諸法無自體者。何故復作是念。亦無有緣生法？

- 6 答28： **V117 隨何所有法，於中觀不動；彼是無生忍，斷諸分別故。**

□如是菩薩、如實觀緣生時。得離諸法、自體見。離自體見故。即斷取法自體。得  
8 斷法自體時。作是念：非無內、外法。而無、法自體。雖有緣生法。但如葦束、幻  
夢。若法從緣生。彼自體不生。

- 10 □作是觀已。若沙門、若波羅門。所不能動。而不取證。彼以樂觀、無生法。斷諸  
分別故。說名：無生忍。此菩薩、即住菩薩不動地。偈言：

12 **【丙二、授記必當作佛】**

**V118. 既獲此忍已，即時得授記；汝必當作佛，便得不退轉。**

- 14 □得此無生忍故。即於得時。非前、非後。諸佛現前。授記作佛。汝於來世。於爾  
所時。某世界。某劫中。當爲某如來、應正遍知。此名：菩薩不退轉。

16 **【丙三、不退智勝二乘】**

□問29：從住初地、乃至七地諸菩薩。皆決定向三菩提。何故不說、爲不退轉。唯  
18 說：住不動地菩薩。爲不退轉？

答29：

- 20 **V119. 已住不動諸菩薩，得於法爾不退智；彼智二乘不能轉，是故獨得不退名。**

□此謂、所有信等。出世間善根。諸聲聞獨覺。乃至住第七地菩薩。不能障礙。令  
22 其退轉。故名：不退轉。非餘十種菩薩。爲三菩提。於諸法中。不退轉也。

□已說不退轉因緣。此中、又得殊勝授記。大乘中、說四種授記：(1.)謂未發菩提心  
24 授記。(2.)共發菩提心授記。(3.)隱覆授記。(4.)現前授記。是爲四種授記。

□於中、(1.)未發菩提心授記者。其人利根。具增上信。諸佛世尊。以無礙佛眼、觀  
26 已。而爲授記。(2.)共發菩提心授記者。成熟善根。種菩提種。先已修習。其根猛利。

◎桑耶精舍、四種條件 (SBA、Four Conditions)：願心、責任、義務與功德

(Great vows, Responsibility, Dharma duty & Buddhist benefits)



2 得增上行。但欲解脫、諸眾生故。即發心時。入不退轉。無墮落法。離八不閑(謂八  
難也)。(3.)此人或聞自授記。於六波羅蜜。不發精進。如其不聞。更發精進。為令  
4 不聞。欲使他人。聞其授記。斷疑心故。佛以威神。隱覆授記。(4.)若菩薩、成熟出  
世五根。得無生忍。住菩薩不動地。彼即現前授記。是為四種授記。  
6 彼得無生忍。菩薩已決定故。諸佛世尊。現前授記。又別有、密意授記。以為第  
五。如《法華經》說：

8 ○【乙四、引經論作證明】

V120. 我等皆隨喜，大仙密意語；如授記聖者，無畏舍利弗。

10 V121. 我等亦當得，成佛世無上；復以密意語，說無上正覺。

以何義故。說此別語授記？有論師說：為令、未入決定聲聞乘者。發菩提心故。

12 又、已發菩提心、初業菩薩等。畏流轉苦。欲於聲聞涅槃、取滅度者。為令牢固。  
菩提心故。又有異佛土、菩薩。於此聚集。授記時到。以相似名。為彼授記故。

14 諸師、如是分別、別語授記。於中實義。唯佛世尊。乃能知之。

16 ◎【甲六、悲智結合的三摩地：第五資糧】（分三）

○【乙一、三摩地為根本】

18 V122. 菩薩乃至得，諸佛現前住；牢固三摩提，不應起放逸。

諸佛現前三摩提。得已而住者。謂現在諸佛。現其前。住三摩提也。三摩提者。

20 平等住故。菩薩、乃至未得此三摩提。其間不應放逸。以未得三摩提。菩薩、猶墮  
惡趣。未離不閑故。是故為得此三摩提。不應放逸。若得三摩提。彼諸怖畏。皆得  
22 解脫。

此三摩提、有三種：(1.)謂色攀緣。(2.)法攀緣。(3.)無攀緣。

24 於中、若攀緣、如來形色。相好莊嚴身。而念佛者。是：色攀緣三摩提。

若復、攀緣十名號、身十力、無畏、不共佛法等。無量色類佛之功德。而念佛者。

26 是：法攀緣三摩提。

◎桑耶精舍、四種條件 (SBA、Four Conditions)：願心、責任、義務與功德

(Great vows, Responsibility, Dharma duty & Buddhist benefits)

2 若復、不攀緣色。不攀緣法。亦不作意念佛。亦無所得。遠離諸相、空、三摩提。  
此名：無攀緣三摩提。

4 於中、初發心菩薩。得色攀緣三摩提。已入行者、法攀緣。得無生忍者、無攀緣。  
此等名：得決定自在故。

6 ○ **【乙二、悲智雙融的能效】**

V123. 諸佛現前往，牢固三摩提；此為菩薩父，大悲忍為母。

8 此所說三種、現在佛、現前往三摩提。攝諸菩薩功德。及諸佛功德故。說名：諸  
菩薩父。大悲者。於生死流轉中。不生疲倦故。又於聲聞、獨覺地險岸。護令不墮  
10 故。說名：為母。忍者。得忍菩薩。於諸流轉苦。及諸惡眾生中。不厭流轉。不捨  
眾生、及菩提。以不生厭。是故此忍。又為諸菩薩母。更有別偈說：

12 V124. 智度以為母，方便為父者；以生及持故，說菩薩父母。

以般若波羅蜜。生諸菩薩法故。佛說般若波羅蜜、為菩薩母。諸菩薩法。從般若  
14 波羅蜜生已。為巧方便所持。不令趣向、聲聞、獨覺地險岸。以是持菩提故。說巧  
方便。為菩薩父。

16 ○ **【乙三、小結】**

問30：菩薩、以幾許福。能得菩提？

18 答30： V125. 少少積聚福，不能得菩提；百須彌量福，聚勝乃能得。

菩提者。謂一切智、智。彼智、與無應知等。應知、與虛空等。虛空無邊故。應  
20 知亦無邊。以有邊福。不能得無邊智。是故少少、積聚福。不能得菩提。云何得百  
須彌量福？聚集、乃能得。

22

〈菩提資糧論、卷第三完〉

◎桑耶精舍、四種條件 (SBA、Four Conditions)：願心、責任、義務與功德

(Great vows, Responsibility, Dharma duty & Buddhist benefits)